

---

## Macluumaadka waalidiinta ardayda dhawaanta timid kuwaas oo u baahan inay Bartaan Ingriisiga

### Dugsiyada Iyo Xaruumaha Luqadda Ingriisiga

Wasaaradda Waxbarashada & Tababarku waxay siisaa barnaamijyada barashada Luqadda Ingriisiga ardayda dhawaanta lagu qoray dugsiyada dowladda Victoria kuwaas oo u baahan inay bartaan Ingriisiga. Ardayda gaartey da'da dugsiyada waxay isku qori karaan barnaamijyada loogu talo-galay dadka dhawaanta yimid, kuwaas oo ka socda ama lagu dhigo dugsiyada Iyo xaruumaha Luqadda Ingriisiga

Barnaamijyadan waxay ujeedaan inay ardayda baraan xirfadaha luqadda Ingriisiga ay u baahan doonaan si ay wax uga bartaan dugsiyada hoose iyo sare.

Dugsiyada Iyo xaruumaha Luqadda Ingriisiga waxay ku yaalliin xaafadaha gudaha ee Melbourne. Waxay siiyaan ardayda koorsooyin waqti-buuxa ah. Waxay qaataan ardayda dugsiyada hoose iyo kuwa sareba ilaa Sannadka 10aad.

Dugsiyada Luqadda Ingriisiga waxay qaataan ardayda dhigata Bareebka ilaa Sannadka 10aad. Xaruumaha Luqadda Ingriisiga waxay ku yaallaan meelaha u dhow dugsiyada hoose iyo kuwa sare ee xaafadaha Melbourne. Xaruumaha Luqadda Ingriisiga waxay qaataan ardayda dugsiyada sare ee Sannadaha 7-10, ama ardayda dugsiyada hoose ee Sannadaha Bareebka ilaa 6aad.

Dugsiyada Iyo Xaruumaha Luqadda Ingriisiga:

- waxaa wax ka dhiga barayaal kuwaas oo ku takhasusay baridda luqadda Ingriisiga
- waxay leeyihiin fasallo baaxad yar ilaa 13 arday ah
- waxay siiyaan ardayda xaq u leh tikidhada lagu raaco basaska iyo tareenada

Mararka qaarkood ardayda da'da dugsiyada hoose kuwaas oo aan u socdaali karin dugsiyada Iyo xaruumaha Luqadda Ingriisiga waxay awoodaan inay isku qoraan fasallada luqadda Ingriisiga dedegga ah ee lagu dhigo dugsiyada hoose ee degaankooda ilaa afar maalmood asbuuciiba. Ardaydu waxay ka qaybgalaan barnaamijyada dugsiyada marka aysan dhigan fasalka degdegga ah.

Qaar ka mid ah barnaamijyada dadka dhawaanta yimid ee cusub waxay kaloo ka jiraan tuulooyinka baadiyaha Victoria.

### Yaa Xaq u-leh Barnaamijyadan?

- Dhammaan ardayda ku cusub luqadda Ingriisiga, kuwaas oo Australia joogey in ka-yar 6 bilood, oo ah deganeyaal joogto ah (in ka-yar 18 bilood ardayda da'da Bareebka ah)
- Ardayda qaarkeed oo ku cusub barashada luqadda Ingriisiga, kuwaas oo Australia joogey in ka-yar 6 bilood, oo ah deganeyaal ku-meelgaar ah (in ka-yar 18 bilood ardayda da'da Bareebka ah).

Ardayda dhawaanta timid kuwaas oo u baahan inay luqadda Ingriisiga bartaan waxay xaq u yeelan karaan waxyaalo kale oo ka baxsan tilmaamahan. La xirriir dugsiyada Iyo xaruumaha Luqadda Ingriisiga degaankaaga si aad u aragto bal in ilmahaagu xaq u-leeyahay inuu ka qaybgalo barnaamijka dadka dhawaanta yimid.

**Ogsoonow:** si aad ugu qorto ilmahaaga dugsiyada dowladda Victoria waa inuu jiraa ugu yaraan da'da shan sano marka la gaaro 30ka Abriil ee sannadka uu dugsiyada bilaabay. Carruurta da'doodu u dhaxayso lix ilaa shan-iyo-toban sano waa inay dhigtaan dugsi ama waa inay qaataan taas baddelkeeda barnaamijka guri-ku-baridda la aqoonsan yahay. Ardaydu badanaa toddobo sano ayey ku qaataan dugsiyada hoose (Bareebka ilaa Sannadka Lixaad) ka-hor intaysan u gudbin dugsi sare.

### Sidee bay ardaydu isugu qori karaan barnaamijka dadka dhawaanta yimid?

Ardaydu waxay toos isugu qori karaan dugsiyada Iyo xaruumaha Luqadda Ingriisiga, ama waxaa loo diri karaa dugsi kale ee dowladda.

### Immisa ayuu soconayaa barnaamijku?

Barnaamijku badanaa wuxuu socdaa lix bilood (laba xilli dugsi). Ardayda u baahan waqti dheeraad ah waxay joogi karaan ilaa 12 bilood (afar xilli dugsi).

## Muxuu yahay manhajka laysku baraa?

Manhajka lagu barto dugsiyada Iyo xaruumaha Luqadda Ingiriisiga waxay ujeeddadiisu tahay inuu u diyaariyo ardayda inay wax ka sii bartaan dugsiyada hoose iyo kuwa sare. Ardaydu waxaa:

- lagu baraa Ingiriiska maaddooyinka sida xisaabta iyo sayniska, manhajkuna wuxuu ku salaysan yahay waxa lagu barto dugsiyada caadiga ah
- la baraa Ingiriiska looga baahan yahay bulshada dhexdeeda
- lagu caawiyaa inay degaan waddankooda cusub iyo inay wax ku bartaan nidaamka dugsiyada cusub
- la siiyaa caawimaad gaar ah haddii ay soo mareen dugsi-dhigasho khalkhal gashay, ama haddiiba ay u baahan yihiin in la baro sida wax loo akhriyo ama loo qoro.

Ardayda waxaa lagu qoraa fasallo ayadoo hadba la raacayo da'dooda iyo aqoontooda luqadda Ingiriisiga.

Marka uu u dhammaado barnaamijka dugsiyada Iyo xaruumaha Luqadda Ingiriisiga, ardayda waxaa lagu caawiyaa inay doortaan dugsiyada caadiga ah ee ay doonayaan waxaana gacan lagu siiyaa siday ugu gudbi lahaayeen dugsiyada cusub.

## Daryeelk ardayda

Dugsiyada Iyo xaruumaha Luqadda Ingiriisiga waxay ardayda ka caawiyaan inay helaan adeegyada kala duwan sida adeegyada caafimaadka iyo daaweynta ilkaha.

## Taageerada Qoyska

Kulamada macluumaad-siin oo ku saabsan nidaamka dugsiyada victoria ayaa lagu qabtaa dugsiyada Iyo xaruumaha Luqadda Ingiriisiga. Waalidiinta waxaa la siiyaa fursad ay ugala hadlaan horumarka carruurtooda barayaashooda, ayadoo ay caawinayaan turjumaano. Waalidiinta waxaa lagu soo-dhaweeyaa inay la xiriiraan dugsiyada ilmahooda waqti kasta si ay ugala hadlaan wixii su'aalo ama dhibaatooyin ah ee ay qabaan.

Wixii macluumaad dheeraad ah ee ku saabsan barnaamijyada luqadda Ingiriisiga ee ardayda dhawaanta timid, kala xiriir dugsiyada Iyo xaruumaha Luqadda Ingiriisiga ee kuugu dhow ama barnaamijka dadka dhawaanta yimid.

	Lambarka Taleefoonka	Cinwaanka	Hoose (H) Sare (S)
Dugsiyada Luqadda Ingiriisiga ee Blackburn	9803 4022	120 Eley Road Burwood East 3151	H, S
Dugsiyada Luqadda Ingiriisiga ee Collingwood	9419 7633	Cambridge Street Collingwood 3066	H, S
Dugsiyada Luqadda Ingiriisiga ee Noble Park	9546 9578	21–35 Thomas Street Noble Park 3174	H, S
Dugsiyada Luqadda Ingiriisiga ee Western	9311 9325	46 South Road Braybrook 3019	H, S
Xarunta Luqadda Ingiriisiga ee Springvale	9548 3496	Springvale Road Springvale 3171	H
Xarunta Luqadda Ingiriisiga ee Broadmeadows	9309 1488	Blair Street Broadmeadows	S
Xarunta Luqadda Ingiriisiga ee Brunswick	9380 6889	47 Dawson Street Brunswick 3056	S
Xarunta Luqadda Ingiriisiga ee Glen Eira	9572 5877	76 Booran Road Caulfield 3162	S
Xarunta Luqadda Ingiriisiga ee Westall	9546 1732 9546 3233	Rosebank Avenue Clayton South 3169	S
Barnaamijka Luqadda Ingiriisiga ee Geelong	(03) 5278 3548		H, S
Barnaamijka Dadka Dhawaanta Yimid ee Shepparton	(03) 5821 4322		H, S